

Uunga siunnersuut:**Inuussutissarsiutigalugu aalisartut, inuussutissarsiutigalugu piniartut
inuussutissarsiutigalugulu nunalerinermik ingerlataqartut aallarteqqinnissamut
tapiiffigineqartarnerat pillugu inatsisartut inatsisaata allanngortinnera pillugu
Inatsisartut inatsisaat**

(Silap pissusianik pissuteqartumik ajornartorsiornerni ajunaarnersuarnullu assingusuni pisuni aallarteqqinnissamut tapiissutisisinnaaneq, akiliutigineqartartut qaffanneri kiisalu qinnuteqarnermi piffissaliussat eqqunneqarneri)

§ 1

Inuussutissarsiutigalugu aalisartut, inuussutissarsiutigalugu piniartut inuussutissarsiutigalugulu nunalerinermik ingerlataqartut aallarteqqinnissamut tapiiffigineqartarnerat pillugu inatsisartut inatsisaat nr. 3, 21. maj 2004-meersumi imatut allannguisoqarpoq:

1. § 1 imatut oqaasertalerneqarpoq:

” **§ 1.** Inuussutissarsiutigalugu aalisartunut, inuussutissarsiutigalugu piniartunut inuussutissarsiutigalugulu nunalerinermik ingerlataqartunut pigisat ajoqusernerisigut imaluunniit ukuningga peqquteqartumik inuussutissarsiutiminnut tunngatillugu annaasaqarsimasunut Naalakkersuisut aallarteqqinnissamut tapiissuteqarsinnaapput:

- 1) atortut ajoquserneri uppersarneqarsimappata,
- 2) inuussutissarsiummut tunngasut atortut tammarsimappata,
- 3) uppersarneqarsinnaasumik ilungersunartumik napparsimasoqarpat allatigulluunniit ajoqusernermik kinguneqartumik timi atorlugu sulisinnaajunnaartoqarsimappat imaluunniit ingerlataqartup inuussutissarsiutaanut atassuteqartuni atortut aserorsimappata, imaluunniit
- 4) inuussutissarsiornikkut nalinginnaasumik assigisaanilluunniit akornusertoqarsimappat.

Imm.2. Silap pissusaata allanngorneranik allatigulluunniit ajunaarnersuarmik pisoqarneranik peqquteqartumik inuussutissarsiornikkut isertitat tamakkiisut imaluunniit annertuut sivikitsumik ilimasaarneqarnikkut annaaneqarpata imm. 1, nr. 1-4-imi taaneqartut saniatigut imm. 1-imi taaneqartunut inunmut aningaasatigut Naalakkersuisut ikiuussinnaapput.

Imm. 3. Imm. 1-2-mi pisunut uppersaanissaq pillugu Naalakkersuisut sukumiinerusumik malittarisassaliorsinnaapput."

2. § 2 imatut oqaasertalerneqassaaq:

" **§ 2.** Aallarteqqinnissamut tapiissutit tunniunneqarnissaannut piumasarineqarsinnaavoq § 1-imi ilaasut pisut matussuserneqarsimassanngitsut imaluunniit nammineerluni pisortalluunniit sillimmasiinerinit matussuserneqarsinnaanngitsut.

Stk. 2. Ingerlatsisoq qinnuteqarnerup nalaanit ukiut pingasut sioqqullugit ukiumut agguaqatigiissillugit 250.000 kr.-nik ikinnerusunilluunniit isertitaqarsimappat peqatigisaanillu

qinnuteqarnerup nalaanit ukiut pingasut sioqqullugit agguaqatigiisillugit 100.000 kr.-nit amerlaqataannik ikinnerusunilluunniit pisuussuseqarpat Naalakkersuisut imm. 1 avaqqussinnaavaat aallarteqqinnissamullu tapiissuteqarlutik.”

3. § 3 imatut oqaasertalerneqarpoq:

” **§ 3.** Aallarteqqinnissamut tapiissutinik qinnuteqaat Naalakkersuisunut tunniunneqassaaq.

Imm. 2. Imm. 1 malillugu qinnuteqaat ajoqusernerup imaluunniit tammannerit pineranniit kingusinnerpaamik ullut 30-it kingorna, Naalakkersuisunit suliarineqarsimasooq qinnuteqaateqarnermut immersugassaaq atorlugu, tunniunneqassaaq , tak. § 1, imm. 1, nr. 1-2.

Imm. 3. Imm. 1 malillugu qinnuteqaammut qinnuteqartup aningaasaqarnikkut inissisimaffia pillugu uppersaat kiisalu inuussutissarsiornermut attuumasumik annaasaqarneq pillugu uppersaat ilaatinneqassaaq, takuuk § 1.

Imm. 4. Aallarteqqinnissamut tapiissutit sapinngisamik soqutigisaqatigiit kattuffiat susasaqartoq tusarniaavigereerlugu tunniunneqartassapput. § 1, imm. 1, nr. 4, aamma § 1, imm. 2-mi pisuni taaneqartuni soqutigisaqatigiit kattuffiat tusarniaavigineqartassaaq.”

4. § 3 kingorna ikkunneqarpoq:

” **§ 3 a.** Aallarteqqinnissamut tapiissutit qinnuteqaammik aalajangersimasumik naliliineq tunuliaqutaralugu tunniunneqartassapput, tassunga ilanngullugu aallarteqqinnissamut aningaasartuutit akilernissaannut qinnuteqartoq nammineq naammattunik aningaasaateqarnerooq.

Imm. 2. Ajoqusernerit tammartullu uteqqinneqartut eqqarsaatigalugit, tak. § 1, imm. 1, nr. 1-2, tunniussinnermiit siusinnerpaamik ukiut pingasut qaangiunneranni aallarteqqinnissamut tapiiffigineqarnissaq pillugu qinnuteqartoqarsinnaavoq.”

5. § 4, ima oqaasertalerneqarpoq:

“ **§ 4.** Aallarteqqinnissamut tapiissutit ikinnerpaamik 2.000 kr.-inik qaffasinnerpaamillu 50.000 kr.-inik ataasiarluni akiliutigineqarsinnaapput. Aningaasanut inatsimmi aningaasaliissutigineqartut iluanni aallarteqqinnissamut tapiissutisisoqarnissaanut taamaallaat aalajangiisoqarsinnaavoq.

Imm. 2. Naalakkersuisut aallarteqqinnissamut tapiissutit tunniunneqarnerannut piumasarisinnaavaat tapiissutit qanoq atorneqarnerat pillugu kingornatigut qinnuteqaateqartoq nassuiaateqassasoq.”

6. Inatsimmi tamarmi ”Landsstyre” imatut allanngortinneqassaaq: "Naalakkersuisut".

§ 2

Inatsisartut inatsisaat 1. januar 2025-mi atuutilissaaq.

Namminersorlutik Oqartussat, ulloq xx. xxx 2024

Naalakkersuisut Siulittaasuat